

Matvælastofnun
Austurvegi 64
800 Selfossi
sent rafrænt á mast@mast.is

Háafell er ánægt með að geta nýtt þetta eftirlit sem tækifæri til þess að fara yfir gæðakerfi félagsins. Slíkt er mikilvægt við þróun gæðakerfisins en sú vinna við uppfærslu kerfisins hefur staðið yfir undanfarin misseri. Háafell hefur haft til viðmiðunar kröfur í reglugerð og upplýsingar sem koma fram í eftirlitshandbók MAST. Háafell er nú þegar byrjað að bregðast við mikilvægum athugasemdum sem birtast í drögum að eftirlitsskýrslu MAST. Varðandi sumar athugasemdirnar er vandséð hvernig Háafell hefði átt að hafa tök á að vita kröfur MAST, þar sem í sumum tilfellum er um að ræða frekari túlkun á reglugerð eða eftirlitshandbók. Á MAST hvílir leiðbeiningar skylda, og því ekki óeðlilegt að í fyrsta ítareftirliti komi fram margar ábendingar um hvað betur megi fara umfram það sem má finna í reglugerð.

Almenn athugasemd

Við viljum benda á að skýrslunni var skilað fjórum vikum eftir eftirlitið og eftirlitsmenn upplýstu ekki formlega um alvarleg frávik né frávik á staðnum..

Í nokkrum atvikum virðast minni frávikum safnað saman, en vegna fjölda þeirra skilgreinir MAST þau sem alvarleg frávik. Ekki er að finna neina skilgreiningu á hvenær frávik telst alvarlegt og hvenær ekki. Æskilegt er að MAST skilgreini alvarleg frávik og sú skilgreining sé aðgengileg.

Sjókvíaeldi

Þjálfunarskrá starfsmanna

Orðalagið „Enginn þessara tólf starfsmanna hefur hlotið þjálfun“ er rangt. Starfsmenn hafa hlotið þjálfun í samræmi við reglugerð, en ekki allir hafa kvittað fyrir, þ.e.a.s. 9 af 12 höfðu kvittað fyrir. Því er tekið undir að þjálfunarskráin sé ekki fullnægjandi en ekki að enginn hafi hlotið þjálfun. Starfsmenn Háafells fá nýliðþjálfun sem tekur á þeim atriðum sem eru sett fram í reglugerð auk þess að fá reglulega námskeið og yfirferð á verklagi. Vel er tekið í ábendingu um að hafa eitt skjal sem auðveldar yfirlit og verður það sent inn.

Viðbragðsáætlanir

Í gæðahandbók er viðbragðsáætlun um massadauða. Við óskum eftir skýringum á hvað MAST á við með „raunveruleg viðbrögð“ í áætlun um massadauða til þess að Háafell geti uppfyllt væntingar MAST.

Innra eftirlit

Skýrslan segir að verklagsregla um innra eftirlit sé ekki til staðar. Við erum með verklagsreglur í samræmi við reglugerð, leiðbeiningum í viðauka III. Innra eftirlit er sannarlega til staðar, Háafell óskar eftir nánari leiðbeiningum MAST um hvernig skráningum eða utanumhaldi um innra eftirliti skuli háttað.

Verklagsreglur

Skýrslan segir að verklagsreglur séu „of almennar“. Við viljum fá frekari dæmi um hvað MAST telur of almennt og hvaða atriði vantar. Slíkt er hluti af leiðbeiningar skyldu MAST.

Sem dæmi bendir MAST á að bæta við verklagsreglu um móttöku og yfirferð köfunarskýrslna, Háafell tekur vel í að útfæra slíkt verklag, en hafði engin tök á að vita fyrir eftirlitið af þessari kröfu sem leiðir til frávíks.

Seiðaeldi

„Síðasta vörn gegn stroki sem liggur úr settjörn og út í sjó ófullnægjandi“

Timburkassinn er ekki síðasta vörn gegn stroki heldur hluti af frárennsliskerfi. Við óskum eftir að þetta verði leiðrétt. Tvær varnir eru til staðar í öllum húsum Háafells, bæði við eldiskör og á gólfi annars vegar, og hinsvegar gildir við útrás. Eftir ábendingar er núþegar búið að minnka stærð á ristum í A húsi, setja gildir á kör sem eru ekki reglulega notuð og verið er að skoða í kjölinn stærð á rist í A húsi við útrás.

Verklagsreglur of almennar

Skýrslan segir að verklagsreglur séu „of almennar“ og vanti nánari lýsingu á framkvæmd, viðmiðum og fjölda starfsmanna. Verklagsreglur má alltaf bæta, en við óskum eftir dæmum um hvaða verklagsreglur MAST telur of almennar og hvaða atriði vantar. Reglugerð og eftirlitshandbók kveða t.d. ekki á um að tilgreina fjölda starfsmanna í verklagsreglum.

Úrbótaáætlun

Skýrslan segir að úrbótaáætlun hafi ekki verið til staðar, sem er rangt. Úrbótaáætlun var til staðar og var send eftirlitsmönnum við úttektina 05.11.2025.